

# OMUKUETU

No: 12

ESIKU 15 lja JULI

1939

■X.X.X.X.X.XX ■ XX.X.X.X.X.X ■ X.X.X.X.X.X ■ X.X.X.X.X.X ■

## OSIGONGINGERKI MU ENGELA ETI 24-25 LJA MAI.

### Esiku ljašo ljtango.

Aahogololua jomomagongalo agehe o makualuteri jomOuambo naasita jago naahongi aasuomi ja gongala mongerki onene jomEngela, ja tameke ošilonga šauo košipala šOmüua, Omüuene guongerki.

Elandulašano ljelongelokalunga olja li ngaši momambo goosondaha. Košigalikane no kua ji aasita Andreas Kañalelo na Paavo Nambundunga. Omüuviši, omüsita guegongalo Simson Situua, okua kuša moramata 1 Moses 2: 15 oluza lueuvišo lje. Kalunga okua langeke omüntu mejana lja Paratisa, oje e li longe no e li langele. Okulonga nokulongela ejana ndjoka okua li ošilonga šaantu Kalunga e ja šiti, Kalunga e tu langeke megongalo lje otse tu li longe no tu li langele. Ošilonga šoka taši pula eizizimiko, noondunge noonkondo ši longue pahalo ljomüuene guašo. Ihe ngaši Omüua guetu okue tu izizimikile nokua guaniša ošilonga še, ošo okua hala oku tu kuaša kehe ngoka guomutse a guanise ošilonga še kesilohenda ljomüua.

Aajakuli jomüuilikihapu šo ja hogololua, omükuluntu guošilonga šetumo šo mOuambo, omüsamane Alho, okua kundisa aakuašigongi onoohapu za Kalunga e zi ja fatulile. Kristus e hoole egongalo lje šo kui igandja omolua ljo. Oje ina konga aajuuki, okua kongo aalunde. Ohoole je je mü šiminike e ja oopaleke ja ninge egongalo lje no te li oopaleke aluhe. Oondjo tazi zimua po, nOmbepo Ondjapuki te li japura omasiku agehe. Ihe, omüntu e

nokukala omüindili, ti indile Kalunga okukala naje. Ita uapa okuinekela ezimo po ljoondjo ndija ljtango šo kua taambua megongalo. Oje e nokujogua aluhe oondjo ze. Ihe Kristus šo ku li po omutse guegongalo, oljo itali vulu okuiteka omütse gualjo. Oje auike te li paluša no te li tekula. Nongaši omülumentu e nokukala nomükiintu gue, ošo oje ta kala negongalo lje. Oljo tali ningi euzo ljesimano lje e li peua kuhe. Ano, oje ngele okua kala ngeji, aajakuli je nokukala ngini? Otse aajakuli tu nokukala tu nohoole je mošilonga šetu šejakulo, ohoole jajina jomümuana.

Nzika za landulua KEISANO LJAAKUAŠIGONGI. Jamue inaa azika po.

NEJAKULO LJIIMALIVA jongalo jेतumo ljaauambo kaapagani lja lešelua ošigongi.

Mepangelongerki mua hogololelua AAPANGELI jaali, ojo Sem Kaukungua na Pinehas Kambonde

No mua hogololua AALUNDULULI jokambo koohapu zomikalo ziilonga jaasita jomagongalo zokujakula egongalo. Ojo ja hogololua: Alho, Saari, Johannes Iitope, Saakeus Iihuhua, Malakia Ntinda na Lehto.

Komatango omühongi Lehto okua hokolola ošilonga šombepo Ondjapuki, nke ne ta longo no pešimbo ndjoka aantu iha je mü zimbulula nando.

OŠIMPUIJU ŠEGONGALO LJA Jesus Kristus oljo li kole naua no li longe ošilonga šaljo ša fatulua ku Efraim Nangošmbe. Oljo li nuuehame ouindji omolu ošmaluhepo ogendji haga holoka mokukala (Etsikilo ke pandja eti 4.)





Taleni efano! Tatu mono nkene Jesus ta ji momagumbo gaantu. Mevangeli Joh 12: 1. tatu uuvu nkene Jesus okua ende kaandja Lasarus, ngoka a jumuzua ku Jesus, mpo ka ja kala išeue aamuajina Marta na Maria. Kaandjauo Jesus okua ende oluindji, ošoka aamuajina mbano je hoole Jesus. Jesus e ja hoole uo. Kombila ja Lasarus Jesus šo a lili, aajuda ja ti: tala nkene kua li e mü hoole. Ohoole jauo ja kolekelua kombila. Oluindji Jesus ta popiša aantu kombila no a hala okupanga uukuume naantu.

Aamuajina ja Lasarus ja falua ngaka muuzigu, ihe omahozi gauo ga šituka, ge mu etele eñañu enene.

Omüleši, tu jeni kaandja Lasarus, tu ka taleni ko ošituši šijaka ša ningilua kōnima jejumuko lje. Kaandjauo tatu aaza aajuda ojendji, mboka je ja okutala Lasarus. Ojo nduno ja tala ošilonga ošinene ša Kalunga, ja kumua no ja nañukua. Uunene Lasarus muene okua nañukua, šoka, a mono ešimbo ljesilohenda okulongela Jesus natango. Lasarus a ningi omükristelela.

Marta okua jakula Jesus naajenda jaalue išeue. Okujakula aajenda ošinima ošiuanaua, Marta okue ši ningi neñañu, okua longele ngaka Jesus.

Maria okua kuutumba koompazi za Jesus nokua pulakene oohapu za Jesus azihe. Mokupulakena kua okua hemuka

nokuli ta lilile omahozi ge koompazi za Jesus nokua pjana po išeue nomafufu ge gokomütse. Ohoole je je mü šiminike išeue okukuša po mepungulo lje omuguajo gu nondilo, nokua guaka koompazi za Jesus: Maria okua uuvite ngaši omüjapostoli: "Ohoole ja Kristus ta ji tu šiminike".

Egumbo alihe lja longele ngaaka Jesus. Otse tatu mono ošiholelua ošiuanaua. Uunene Jesus okua pandula ošilonga ša Maria.

Omüleši, ongoje to longele ngiini Omükulili guoje?

S A.

### OMAUDIFO AMUE A NOA SANGETA.

Opa li elai edina lalo Silipipo, okua li a ja kohambo kofuka. Okua mona oita ja juka kOukuanjama. Esi e i mona okua taataa eengobe daje te uja oñapo kosilongo. Esi e uja mosilongo komaumbo okohulo okua hanga oñingo inene meumbo limue. Okue va hepaululile: „Onda mona ovañu tava vilola.” Ava voñingo ve mu dina va ti itava lombuelua kelai. Li peni oifima li lje. Li peni vali omalodu. Silipipo a ti itai nu omalodu, ohandi ende noku li handi li, osesi onda mona ovañu tava ende, ohai kala ndi kuatue po.

Esi a ja umue uovoñingo okua ti, nda itavela eendjovo delai, name ohandi ji oñapo. Oje okua ji oñapo. Opo tu a pi lameneko oita je uja avese va li moñingo va kuatua.

Elai la mona oita. Paife tamu udifilua Kalunga te uja, ovañu tava anje tava ti: „Eendjovo domalai.” Itavela nena, inda oñapo joulunde efjo tali uja paife, to londolua. Ovakriste tava ti, Kalunga okua tongua nale ihe uja. Mu teelega ote uja, u tje nde si lombuelele. — — .

Omunjumbo umue esi odula ja loka okua pendula ovana ta ti: Pendukeni! Pendukeni! Pandeni eenjika, osihangadi ta si li kokele kondomui. Esi va ja omukuluñu a humbata onjika. Esi va hanga omafuma onjika ja uila momeva. Ounona va ti: „Ošima kesilai.” — „Mu tuka nge”

Inava kuata vali omafuma omulaulu ua ninga munene. Va šuna inava mona sa.

Oso ovakriste tava tula oujelele uavo momeva oupaani. Jesus nande ta ti: „Onje oujelele uounjuni.” Ino efa oukriste uoje u dime ngasi elai a efela onjika jaje mo



meva. Osesii „Simue a sike si nekuafu ova-  
nu ve si pumbua, oso elao lokomuendo.”  
ino konga oinima jounjuni u kale to te-  
nateru. Ounjuni oo ekokoterge, nande li  
sika itali pi. Ngenge ua di nousima mepja,  
meumbo ito ka monamo ounongo. Ngenge  
ua dja nousima mounjuni ou, meulu  
ito ka mona mo ounongo, Amen.

Omusingi Sem Kaukungua.

## OKUKALA KUOHUHUA N'OMUNU.

Ohuhua ja njengua okukuatafana n'o-  
muñu, nande ojo aluse i li p'omuñu, ndele-  
ne aluse inai hala okuehena pomuñu. Osi-  
ke mbela? Pamue osesi aluse i hoohike oku-  
dipaelua ovaenda. Osesi jo oi si si ngaha  
kutja omuhupifi uajo omuñu, ndele osike  
hano ja njengua okuehena komuñu, nande  
ngeno i kale hai dipaelua. Ovaenda haso so.  
Osike pe nongobe ja dulika kovañu? Ndi  
si najo ohai dipaua jo kovañu.

Omukuetu ove na ame. Otu li ngahe-  
lipi na Kalunga. Otua fa mbela ongobe  
ei ja dulika k'omuñu. Ile otua fa ohuhua  
ei ihe nekuatafano n'omuene uajo nande  
ojo hai palulua aluse kujje? Ongobe osinima  
sua unene, ohai ende aluse ketemba taji  
dengua, ndelene kai noñgone no-  
muene uajo, aluse oi hole ngaho omuene  
ua jo. Ou nohoole ei jongobe, ile ojehu-  
hua ei ja tila omuene uajo. Hano hola Ka-  
lunga Omuene uoje, ino mu tila, e ku hoole  
sili, oje te ku hupifa omolu ohoole ja Kris-  
tus m'omusijakano. Kaume kala p'Omue-  
ne uoje, ino mu tila ngohuhua.

## Oluhosi olunene mUsakos.

Esiku eti 11. 5. 39 Kalunga okua holo-  
ka mokati ketu šo kui išana aantu jaali  
aamuajina pešimbo efupi, je je ku je.

Anna ja Martin okua si ongulohi otu-  
ndi onti 6.

Nongula šo kua ši, manga tatu pangele  
ošikeša šomuzimba, na Josef ja Martin okua  
tokoka nuujuni mbuka.

Esiku 12. 5. aantu namuuajina ajehe  
jaali ja pakua mombila jimue.

Oluhosi olunene lua holoka putse po-  
mbila. Omuhongi okue tu zimbulukisa oo-  
hapu zev. Joh. 13: 7.

Ošoka to kunu, ošo to ke ši teja.

David ja Nkoši

## Ošiafrikaans.

Aauambo ja hala uo okuhuma kome-  
ho mošiafrikaans, ošoka ja zimbulula otaši  
ja kuaša. Ngaši mu na omambo ogendji  
taga pukulula aantu mokukala kuukriste  
nomiinima iikuauo ji ili no ji ili; ngoka  
agehe kaga vulika okulundululua mošiuam-  
bo.

Opo ja tseje oku ga leša mošiafrikaans,  
oja tameke tango okuizeula. Ezeuo limue  
okulonga ošiafrikaans mu seminaari nomoo-  
kola zaagundjuka k'Engela, k'Onguediva,  
k'Ošigambo no k'Uukualuuzi. Ezeuo ekua-  
uo omooskola zaanona, moongundu nzoka  
zaahumi komeho. Nezeuo etitatu okafo ko-  
šiafrikaans „Ons Vriend” haka nañangizua  
m'Oniipa. Taka lešua ku kehe ngoka ue  
ka hala. Omo hamu tulua uuhokololo uo-  
šiafrikaans niitja jauo ja fatulua mošiuambo.  
Nomatumbulo gošiafrikaans ga fatulua ko-  
matumbulo gošiuambo. n. š. t.

Ohaka holoka momuezi kehe omapandja gaa-  
li. Ngele oomuezi mbali kumue omapandja  
gane. Ofuto ja ko moomuezi 12 otiki (-/3)  
nenge omahangu oombekele 5.

Omuaalu gua mboka ji inoliša ja taa-  
mbe okafo hoka numvo ogo nguka:

Aangenga . . . . .	45
Aaniipa . . . . .	32
Aašitaji . . . . .	29
Aaeñana . . . . .	26
Aangandjera . . . . .	23
Aakuambi . . . . .	22
Aangela . . . . .	21
Aanajena . . . . .	19
Aandobe . . . . .	18
Aakavango . . . . .	18
Aalukonda . . . . .	15
Aamundudu . . . . .	15
Aakatope . . . . .	13
Aanguediva . . . . .	13
Aambalantu . . . . .	10
Aadundja . . . . .	10
Aandola . . . . .	9
Aakualuuzi . . . . .	6
Aahalušu . . . . .	5
KUušimba . . . . .	5

Ajehe kumue 354.

Oolje ja hala natango okuizeula noka-  
fo hono?

AANETEMBA! KOTOKENI, MUA  
JONE IITAUA JAANTU, MUA  
AZIKE KOOMBUZI.



kuaakriste. Moonkundašana mua ulukilua nkene omūtondi ta longo iilonga je a jone egongalo l'Omūua. Ihe, oljo itali sindua no komijeelo zoheli.

„AAKRISTE NIIKOLIŠA.” Oondunge nzika za fatulua ku Sem Kaukungua. Poka ti kaakriste no kaapagani ope nokukala e jooloko. Aanui jiiikoliša itaa šigulula ošilongo ša Kalunga. Pinehas Kambonde okue ja ulukile nkene aakriste ja tulua muujuni uujelele nomongua onke itaa vulu okuvu ndakana naapagani MIITUŠI JUUPAGANI. Oonkundašana ze eta oondunge ozindji zokukumagiza aakriste nkene je nokukala jaa šekise ezina Omūua guauo, ihe jaa ikalele uo nokuinenepékela uukriste uauo.

Esiku l'jotango l'jošigongi l'ja huliiša mohungi jomauvišo. Oja tamkua komūshongi Aarni nokuuvisila aakuašigongi, nke ne omašimbo gomaišano ga Kalunga ge no kuzimbululua, kehe omūntu uve eui l'jomūišani manga iijeelo inaji patua. Aauviši ojaa kuauo jamue ja šuna natango moonkundašana zomūteña nokufatula nkene iikoliša niitūši jaapagani ji niiponga ojindji. Iilonga jomilema, ojo iintimbe, itaji etele omūntu iijimati jelago, jo jejonuko ajike. Pehulilo ja tsoongolo no ja galikana Kalunga a gandje Ombepo Ondjapuki kegongalo l'je li kale li noonkondo okuziginina šoka l'je ši peua.

## Omakundilo

A DJA KOUSIMBA KOVAMBO.

Ovambo vamue ve tu sangele eendjovo di njanjangidue ngeno m'Omūkuetu" ndele ne tadi tu njenge sasi inadi sangua naua. Eendada inadi jela, oitja inaji topolua nomatumbulo inaa tukuka neendjovo da ninga dileleleka itadi uana mo. Onge hano hatu njengua oku di njanjangidifa. Ovahas pu vokousimba va hala oku tu tumina omakundilo, ngasi ovava

- 1) Johannes Amundumba, Usakos
- 2) Sem Kasamane, Walvisbay
- 3) Jeremia ja Samuel Pomona
- 4) Simoni ja Salomo

Oontumuafo hazi ja ozindji zokupa ndula no zoku pukulula aantu. Tatu tula mpoka jimue ja zi ko Kavango, ojo ndjika:

Olupala, Eti 11/5 "39.

OMŪLONGA GOKUIJOGELA  
MONDOJA JONATA.

Kristus Jesus, oje omulonga guokuijogela mo ondoja noñata juulunde uetu auhe. Šimpa ua ningi oongaga nondoja komueño guoje e to ji momulonga

guokuijogela mo ongoje oto zi mo ua jela šili. Nge ti ijogo mo momulonga ngoka, ngoje ua azika u nuuinaji mbuno: Oondjo nomajonagulo. Uuhalu noluiho, iifundja ojo taji zi mo etamu kala mbjoka ja azikile kaji mo, mbjono jo opalelela Kalunga nomua omakulili, ngaši ombili nentalanteni. Ano aakuetu, tu hambeleleni Kalunga Tate šo e tu hoolo, šo e tuningile omulonga ngu guokuijogela mo komueño zetu nge za nata, nenge zi muuzigu niinima iikuauo. Omusamanemati gumuo ezina l'je Leonard ja Vilho, ondu uvile oohapu zeuvišo l'je ta ti! "Omuntu nge ua hala u ki ijoge momulonga ngono, inda namukueni ue mu itula a guana noku ku joga komunguongo kombunda, opo to kala ua jela naua. Ngele ongoje auike, oongaga itazi ku pu. Nge ua jogua kumukueni ano opo to jela naua."

Hellmut j Ekandjo  
Olupala Okašango.

## “Ovambo”

Ovambo ezina ljalje ano? Ngiika oto ti ezina l'jomūntu, omūntu olje ngu e n'ezina „Ovambo?” —

Andija ano ndi ku lombuele: Ovambo ezina l'jošiguana kali ši l'jomūntu. Ngaši: Aandonga, aakuanjama, aakašima, Evale, Ombandja niilongc ajihe jokuuninginino, atuhe mboka otse aauambo. Ano Ovambo kali ši ezina l'jomūntu, ihe oljošiguana.

Šo ša noliša ndje oohapu nzino, onda mono aantu ojendji inaa tseja Ovambo kuzija ošike. Nge taa nolele aakuauo je li k'Uušimba ohaa nola kombanda jompunda: Ovambo Nima ja Nima. Ovambo ndjino ji li kombanda jompunda; jo jaa ši ezina l'jomūntu, otaji ti ngiini? Ngiika oto ti: Ngele inandi nola ko Ovambo ombapila otaji kana, kUušimba ku naantu ojendjijendji, aaherero naakuankuala n. š. t. Tala, ombapila inaji humbatua k, „Ovambo” ndjo ua nola kombanda jompunda, ihe okezina l'ja muene guajo neha mpoka e li. Ino tja pamue ošitja šoka Ovambo oša fa ngaši aatiligane haa ti meneer nenge meester, aue, Ovambo ošiguana. Muujuni auhe kape na ngoka ha nola ošiguana šaandjauo kombanda jompunda. — Nišuee ojendji taa njengua okuñola omazina gošikuiilongo. Ezina nge ku ši nkee hali nolu, nola ouala ondanda jopetameko l'jezina l'je l'ješašo no l'jahe l'jošiuambo l'ju uza naua ndjoka u ši ku li nola naua. Ngele to njengua kezina l'jošilandu, inda komukueni ngoka e li ši naua e ku kuaše.

Kombanda jompunda naku nolue naua kua jela ngaši ompango jeñolo ji li, ošmapuko naga kale meni. Ompunda ngele ja nolu naua otaji holola ša šomūñoli, ihe nge ja nolu iivunduvundu otaji hokolola ša uo šomūñoli guajo.

H. Aluzilu